

## CONVOCATORIA PECDA JALISCO 2022-2023

Secretaría de Cultura Mekiku muuwe, tsiere Sistema de Apoyos a la Creación y Proyectos Culturales metá 'iitsikame Jalisco mihi yukanieritiati yukita Jefatura de Fomento Artístico mirawiya Dirección de Planeación, Vinculación y Desarrollo Sectorial miiki mieme Secretaría de Cultura de Jalisco

Memetsi'inie pemi'iareki 'inierikatsié

### PECDA Jalisco 2022-2023

Teitéri piwahetsié mieme kehate waikáwa memiteuta'iyaritarawawe, hepaina maiyá yeikiwaamete tsiere kehate yeiyari memi'uuximayá tatsiari xika 'uuximayátsika me'ayexeyani rakatetiwaame hekwa 'ikitiarika, hekwanuiki metá hekwa 'uuximayátsika kimana miirikia kiekaripa 'iyaritarika muyuxuawitiakaki, kiekataari 'aixi memite'utixaxataniki; 'iiki yamiti'anene tsie tiyukaniereti:

Wichi ti'uuximayátsika ya wichi tiwewiya ya 'aneneme disciplinas hetsié piyukanieritiaka:

- Teiwaritia wichi tiwewiyate (Arte urbano)
- Wichi ti'aneneti tiyu'eniirikiti miranayeneika (Artes Audiovisuales)
- Wichi ti'aneneti mitiyuwaikatine (Artes Circenses)
- Neiya (Danza)
- Yeiyari 'uuximayátsikayari (Gestión Cultural)
- Wichi 'itiarika (Literatura)
- Maniere yuhetsié mitiuta'uuximayáta (Medios alternativos)
- Kwikari (Música)
- Yeiyari piinitiarikayari (Patrimonio Cultural)
- Wichi memiyia metekuxatati (Teatro)

Kemihate memeu'iarikuni, piyiwe xeimetsié muyuta'iniata 'iiki 'inierika ya manutapaimetsié tatsiari categorías:

- Tiiri Teemari Hekwa 'Iyaari Wewiwaamete (Adolescentes Creadores Nuevos Talentos), parewiya mepiyetuiyariwa \$30,000 MXN paimeme
- Teemari 'Iyaari Wewiwaamete (Jóvenes Creadores), parewiya mepiyetuiyariwa \$50,000 MXN paimeme
- 'Iyaari Wewiwaamete Yu'uuximayatsikatsié 'Amemahú (Creadores con trayectoria), parewiya mepiyetuiyariwa \$70,000 MXN paimeme
- 'Iyaari Wewiwaamete Memite'utahayewaxi (Creadores Eméritos) parewiya mepiyetuiyariwa \$70,000 MXN paimeme
- Yeiyari Hiritsika 'Iyeikiya metá hekiatsikayari (Investigación y Difusión del Patrimonio Cultural), parewiya mepiyetuiyariwa \$51,250 MXN paimeme
- Yeiyari 'Uuximayátsikayari metá 'Iyeikiyaya (Investigación y Gestión Cultural), parewiya mepiyetuiyariwa \$51,250 MXN paimeme
- Mitiyuheiwierinia hekiatsikayari (Proyección Artística) parewiya mepiyetuiyariwa \$50,000 MXN paimeme
- Mitiyuheiwierinia hetsié tiyu'ikitiati (Formación Artística) parewiya mepiyetuiyariwa \$50,000 MXN paimeme

Yemeki mireuyewetse 'iiki pitihiki:

- Jalisco kwieyaritsié 'ukaiti tsikere haika wiitari yurieti
- 'Uuximayátsika piyutawena Jalisco kwieyaritsié

## CONVOCATORIA PECDA JALISCO 2022-2023

- Xapa acta de nacimiento puhekiata
- **Yuxewime yu'uuximayátsika 'itiarikayari** puhekiata maana yahaineme ke'anemetsié **categoría ya disciplina** panutaxeiya
- Kehate categoría 'Iyaari Wewiwaamete Memite'utahayewaxi hetsié memiyuta'iniata, maana 'uuximayátsika 'utiarikaya pikayuku'iwawa xeikia puhekiata yu'uuximayátsika 'uyeya
- 'Inierika xapayari pemayehiniyatsié yapepira'eriwani kemayetaine xapa Bases Generales de Participación
- 'Eena kenayuka'utia: <https://foncaenlinea.cultura.gob.mx>
- Ke'ane miyu'iniatane xika 'aiki ya meripaiti 'iiki tsie 'uparewiyani, miiki yuxápa pihekiata maana yuhekiakame kename ri karapine, kename ri yu'uuximayátsikatsié naime 100% raye'atia

Categoría "Tíiri Teemari Hekwa 'Iyaari Wewiwaamete" hetsié memeuyu'iniatakuni, tita ri mitiuyuta'iwau mepitaye'atiani metá tsiere 'iiki:

- Yuxaitame puyuta'iniata
- Ke mi'ane miyu'iniatane 'uuximayátsikaya 'utiarikayarisie puyuhekiaka maiyayá, 'iyaaritariikaya metá kename tinakemeki ti'uuximayá.
- 12 wiyari heimana hiti metá 18 wiyari hetia kayeikati; tsiere paapamama yameteha'eriwakaku pitiyurieneni.
- Xeime tewi ya insitución ya miti'anene ti'uximayakame parewiyaya pexeyani, miiki pitiwimani ke mitiyurieni metá ke mitiuyemate.
- Pitihikiata kename 'aku ya miti'enenetsié reye'uuximayata yatini kename ri pai reyeyuruwa miiki disciplina artística hetsié mayuxaxata.

Ke mihate categoría "Teemari 'Iyaari Wewiwaamete" hetsié memi'iare maana peuyewetse naime tita mirayu'iwawa miraye'atiani metá tsiere 'iiki:

- Yuxaitame puyuta'iniata
- 'Uuximayátsika 'utiarikayari miyuyetuani miiki pirayexeyani 'iyaaritariika metá wewiyate tiyukaniereti ke'eneneti disciplinas miyukuxaata.
- Pikayunaki'erie 'uuximayátsika 'utiarikatsié miti'itiani kename tiyuta'ikitianike.
- 18 wiyari reuyeta yumaiti metá 35 wiyari hetia kayeikati.
- Pitihikiata kename 'aku ya miti'enenetsié ri rati'uuximayátarime, tsikere haika wiitaari 'uuwa matiyune. Mirita disciplina neiya hetsié maana peuyewetse 5 wiyari tsikere reutewiti.

Kehate categoría "'Iyaari Wewiwaamete Yu'uuximayatsikatsié 'Amemahú" hetsié memi'iare maana peuyewetse naime tita mirayu'iwawa miraye'atiani metá tsiere 'iiki:

- Yuxaitame puyuta'iniata
- Mepiparewiyani kehate ri wa'uye 'amahú tatsiari wichi ti'iyaaritariikatsié metá tiwewiyarisie.
- 18 wiyari reuyeta yumaiti metá 35 wiyari hetia kayeikati.
- Pitihikiata kename ya miti'enenetsié ri rati'uuximayátarime, tsikere 5 wiitaari 'uuwa matiyune. Mirita disciplina neiyatsié maana peuyewetse 8 wiyari tsikere reutewiti.

Kemihate categoría "'Iyaari Wewiwaamete Memite'utahayewaxi" hetsié memi'iare maana peuyewetse naime tita mirayu'iwawa miraye'atiani metá tsiere 'iiki:

- Yixaitame puyuta'iniata tsiere pitihikiata kename 'aku 'uyeya, 'uuximayátsikaya metá miiki tewi waikáwa matiwa; kename 'aku Jalisco kwieyaritsie tiuparewi yeiyari 'aixi

## CONVOCATORIA PECDA JALISCO 2022-2023

mitiyuyewenarimeniki.

- 60 wiyari reuheta yumaiti metá 'uuximayátsikaya 'uyeya reutewiti 25 wiyari kauyuka'uxipitiwati.
- Xapa 'utsika piyetuani maana yexatsiwati ya hekiatsieti, miiki mepiteyurieka 'iyaari wewiwamete, wichi miti'anene te'uuximayátaamete, yeiyari 'uuximayátaamete, kuruxi, 'ikitiarika kuruxi, grupos artísticos miiki yunaiti 'uuximayátsikaya mepiwairitani.
- Xikari meripaiti, 'eena Jalisco ya tsepa hakewa Mekiku kwieyaritsié 'iiki'i'itsié PECDA 'uparewiyani, miiki ri tawari pikayiwe mu'iare.

Kemihate categoría "Yeiyari Hiritsika 'iyeikiya metá hekiatsikayari" hetsié memi'iare maana peuyewetse naime tita mirayu'iwawa miraye'atiani metá tsiere 'iiki:

- Yixaitame puyuta'iniata
- 'Uuximayátsika 'utiarikayari miyuyetuanitsié maana pirayuyexeyani maiyá yeikiyaya, 'itsikikaya ya wewiyate mitiyutiwewieni Yeiyari piinitiarikayari Jalisco timieme.
- 18 wiyari reuyeta hiti

Kemihate categoría "Yeiyari 'Uuximayátsikayari metá 'Iyeikiyaya" hetsié memi'iare maana peuyewetse naime tita mirayu'iwawa miraye'atiani metá tsiere 'iiki:

- Yixaitame puyuta'iniata
- 'Uuximayátsika 'utiarikayari miyuyetuanani maana pirayuka'utiaka ke mitiyutiyurieni kiekataari memiteyu'ikitiakaki ya miti'anetsié, ke 'aneneti wichi wewiyate piyutiyeike, piyuthekiata ya piyutipata mexika piyutuani, hepaina tsiere ke 'aneneti yeiyari piinite piyuhekiata kiekaripa kimana memiyinini tewewiwaamete méta kiekataari.
- 18 wiyari reuyeta hiti

Ke mihate categoría "Mitiyuheiwerinia hekiatsikayari" hetsié memi'iare maana peuyewetse naime tita mirayu'iwawa miraye'atiani metá tsiere 'iiki:

- Yixaitame puyuta'iniata
- 'Uuximayátsika 'utiarikayari miyuyetuanitsié pitihekiatani wichi tiwewiwame miyu'iniatane ke pai tihekiata yuwewiyaate ya ke pai tiyurieyu 'uuximayátsikaya pahekiare miirikia.
- 18 wiyari reuyeta hiti
- Piyiwe yaki yumaiti mu'iare xika hexeyani 12 wiyari teiki meutiyune metá 17 wiyari 'uuwa makayune, miiki xapa pexeyani ya haineme kename paapamama ya 'i'iwiyamete me'ipitia.
- Kuruxi ke'ane mitiyuriene xapa 'inierikaya piyuyetuanani maana hekiakame hakewa 'ixiarari ya piretiyini.
- Pitiuhekiata disciplina ya 'anemetsié miyi'iniatane, miikitsié ri ti'uuximaya kename tsikere haika wiyari reutewi.

Ke mihate categoría "Mitiyuheiwerinia hetsié tiyu'ikitiati" hetsié memi'iare maana peuyewetse naime tita mirayu'iwawa miraye'atiani metá tsiere 'iiki:

- Yixaitame puyuta'iniata tatsiari miiki tiwewiwame, niukame ya yeiyari 'uuximayátame mitiyuta'ikitiiane Mekiku kwieyaritsié ya matsi tewa paiti.
- 18 wiyari reuyeta hiti
- Piyiwe yaki yumaiti mu'iare xika hexeyani 12 wiyari teiki meutiyune metá 17 wiyari 'uuwa makayune, miiki xapa pexeyani ya haineme kename paapamama ya

## CONVOCATORIA PECDA JALISCO 2022-2023

'i'iwiyamete me'ipitia.

- Kuruxi ke'ane mitiyuriene xapa 'inierikaya piyuyetuani maana hekiakame hakewa ya piretiyini.
- Institución xapaya piyetuani maana raxaxatame kename 'aku 'utanaki'eriwaxi mititi'ikitiarieniki.
- 'Uuximayátsika 'utiarikayari pikatanaki'eriwa xika kimana yu'etsikwera 'anayenimiki.
- Pitihekiata kename 'aku ya miti'anenetsié rati'uuximayátarime, tsiere haika wiitaari reutewi.
- Xika xeime pita niuki 'uniukani, kami xapa piyetuani maana raxaxatame kename hakewa mireyuta'ikitiani ke'aneti maana niuki meyuniuka tsiere miiki 'aixi reutawaikawe, tsi miiki niukiki katiniti'ikitiariemiki.

1. 'Eena 'iikitsié página web payuka'utiani;  
<https://foncaenlinea.cultura.gob.mx>
2. 'Utimana, maana tsiere naima tita mirayu'iwawa pirayehiniya:
  - a. 'Uuximayátsika ke mititewa
  - b. 'Uuximayátsika hetsié timieme xei niuki
  - c. Titayari ya mitiyu'uuximayáta
  - d. Tita mitiyukwewie
  - e. Tita mitiyutiwewieni
  - f. Ke pai tukaari yamitiyutiyurieni
  - g. 'Uuximayátsika ke pai tiyuekiata
3. Maana tsiere plataforma hetsié naima xapate mirayu'iwawa piranuyutini'ani..
4. Yuhetsié timieme 'iiki xapate panuyutini'ani:
  - a. Ke mi'ane pemihiki xapáyari, miiki ri INE ya pasaporte.
  - b. Clave única de Registro de Población (CURP)
  - c. Hakewa pemeka xapáyari, haika metseri 'uuwa matiyune mieme
  - d. Xika Mekiku kakwieyaritsié pekiekametini, xapa pepiyetuani ya haineme kename maana pe'úka
  - e. Currículum vitae
  - f. Xika yaki peyumaika, xapa pepiyetuani maana ya haineme kename 'apaapáma ya 'a'iwiyamete memetsipitia.
5. 'Uuximayátsika xapateya piranuyutini'ani
  - a. 'Utiarika titayari parewiya pereuehiwa
  - b. 'Utiarika kename 'akú 'a'uuximayátsikatsié ya petikayani
  - c. Ke pai tumini pepeuehiwa
  - d. Xikari hatsua PECDA Jalisco pe'uparewiyani, xapa pepiyetuani ya haineme kename ri naima peraye'atia, kename tixaitiki pekarapine.
  - e. Xika 'a'uuximayátsika xeime niukieya ya wairitariikaya heuehiaka miiki tsiere 'utsikayari pepiyetuani

Xapate miranuyuhurieni puti'axé 14 de junio 'iiki wiyaritsié 2022 'upaukakaku 15:00 horas, ya ri pitiutaniuke kename 'eena ranuyutini'ani: <https://foncaenlinea.cultura.gob.mx>

'Eena pepitiukaxeiya xika waikawa matsi pereumaimikini 'iiki 'inierikatsié [www.cultura.jalisco.gob.mx/convocatorias](http://www.cultura.jalisco.gob.mx/convocatorias)

Xika teitsiya hepaina parewiya peheuehiaka pemayuka'utianitsié, piyiwe pemireu'utiani 'iiki correo electrónico hetsié [pecda.sc@jalisco.gob.mx](mailto:pecda.sc@jalisco.gob.mx), paina keneuníu 333030 4517 tsiere 303045 00 extensión 54743 yatini keneutaya'i Secretaría de Cultura de Jalisco kiyata, yemeki pepiye'ani oficina Jefatura de Fomento Artístico, piti'ane calle Zaragoza #224 Col. Centro, Guadalajara, Jalisco; meripaiti meri pepireu'itiani memetsikwewiekaki.

## CONVOCATORIA PECDA JALISCO 2022-2023

Xika parewiya ya teitsiya peheuyehiaka wixárika niukitirikatsíe ya teiwari 'útsikatsíe, piyiwe Jefatura de Política Cultural y Comunitaria metsi'uparewieni, ketatineu'utiiri [inclusion.sc@jalisco.gob.mx](mailto:inclusion.sc@jalisco.gob.mx) ya keneuniu 30304500 Ext. 54732